

**Matius 6:13 Janlah dipadiyakan iman kami runtuah, kutiko kami dapek cobaan, tapi lapehkanlah kami dari kuwaso si Jahek. Angkaulah Rajo nan bakuwaso sarato nan mulie, untuak salamo-lamonyo. Amin. (Lukas 11:4)**

**Matius 8:16 Kutiko ari lah muloi sanjo, urang bi mambawok-i urang-urang nan kamasuak-an roh jahek kabake Isa Almasih. Jo kato sapatah sajo, Baliau ma usie roh jahek tu, Baliau mancegakkan pulo kasadonyo urang nan sakik.**

**Matius 10:1 Pado suatu ari Isa Almasih manyuruah kaduwo baleh urang pangikuik-Nyo untuak bakumpua. Sudah tu Baliau mambarikan kuwaso kabake pangikuik-Nyo tu, untuak ma usie roh-roh jahek, mancegakkan sagalo macam panyakik, sarato mancegakkan sagalo macam cacaik badan. (Markus 3:14,15)**

**Matius 10:8 Cegakkanlah urang-urang nan sakik; iduikkanlah baliak urang nan lah mati; cegakkanlah urang-urang nan bapanyakik kulik nan manakuikkan, sarato usielah roh-roh jahek. Angku-angku lah di agiah perai jo kasadonyo tu. Mako agiahkan pulolah sacaro perai kabake urang nan lain.**

**Matius 12:26-29 Baitu pulo dalam karajaan ubilih; jikok ciyek kalompok ma usie kalompok nan lain, mako karajaan ubilih tu lah tapacah-pacah, lah jaleh alamaik ka runtuah. 27 Angku-angku bi mangatokan baraso Ambo ma usie roh jahek jo kuwaso Beelzebul. Jikok baitu, jo kuwaso siya pangikuik-pangikuik angku ma usie roh jahek. Pangikuik-pangikuik angku tu sandiri nan lah manyatokan, baraso angku-angku tu nan salah! 28 Tapi Ambo ko ma usie roh jahek jo kuwaso Roh Jehovah. Itu ba arati baraso Jehovah lah muloi mamarentah di tangah-tangah angku-angku. 29 Dima pulo urang ka dapek masuak ka rumah urang bagak, untuak ka marampok aratonyo, jikok inyo indak dikabek? Lah sudah inyo dikabek barulah kito dapek ma ambiak aratonyo. (Markus 3:23-27)**

**Matius 12:43-45 "Jikok roh jahek lah kaluwa dari diri surang urang, mako inyo ka payi bakuliliang ka tampaik-tampaik nan kariang, untuak mancari tampaik balapeh panek, tapi indak ado doh dapek tampaik nan dicarinyo tu. 44 Dek karano itu, inyo bakato dalam atinyo, 'Rancak den babaliak ka rumah tampaik tingga den sari.' Kutiko inyo tibo disinan, rumah tu indak ado ba urang doh, barasiah, sarato taratur pulo lai. 45 Sudah tu inyo payi kaluwa, inyo bawok pulolah tujuah ikua roh nan lain, nan labiah jahek daripado inyo. Mako kasadonyo roh jahek tu masuak ka dalam diri urang tu. Inyo manatap, tingga jo urang tu. Akienyo ka adaan urang tu labiah buruak, daripado ka adaannya nan samulo. Itu pulolah nan ka tajadi di**

**urang-urang jahek nan dijaman kiniko."**

**Matius 15:22,26,28** **Ado surang padusi Kanaan dari daerah tu, datang kabake Baliau sambia ma imbau-imbau, "Oih Anak Daud, iboilah ambo ko! Anak ambo nan padusi ka masuak-an roh jahek. Sabana parah ka adaannya."** 26 **Isa Almasih manjawab, "Indak elok ma ambiak makanan nan ka untauk paja-paja, sudah tu mambarikannyo untauk anjiang."** 28 **Isa Almasih bakato kabake urang padusi tu, "Biyai, sabana gadang iman biyai! Biyalah tajadi apo nan katuju dek biyai!"** Di kutiko tu juwo mako cegaklah anaknyo nan sakik tu.

**Matius 16:19 Ambo ka mambarikan kabake angkau anak kunci Karajaan Sarugo. Apo nan angkau tagah di muko bumi, itupun ditagah pulo di sarugo. Baitu pulo, apo nan angkau suruahkan di muko bumi, itupun disuruahkan pulo di sarugo."** (Matius 18:18)

**Matius 17:19-21** **Indak Iamo sasudah tu pangikuik-pangikuik Isa Almasih bi tibo ka Baliau untauk bi batanyo, tapi agak tajarak dari urang nan banyak, "Ngku, apo sababnyo mangko kami indak bisa ma usie roh jahek tu?"** 20 **Isa Almasih manjawab, "Dek karano angku-angku kurang picayo. Kana-ilah apo nan Ambo katokan ko! Jikok santano angku-angku layi ba iman agak sagadang bijo sasawi, mako angku-angku bisa mangecek kabake bukik ko, 'Pindahlah ka tampaik nan lain!' mako bukik ko pun pindah. Indak ciyek juwo doh nan indak bisa angku-angku karajokan!** 21 **Tapi roh jahek nan sarupo iko, hanyo bisa di usie jo sacaro badowa, sarato jo bapuwaso."**

**Markus 1:23-26** **Kutiko itu ado surang urang nan kamasuak-an roh jahek, masuak ka rumah ibadaik, sambia ma ariak,** 24 **"Oih Isa urang Nazaret, Apo nan ka Angkau pabuwek kabake kami? Angkau datang ka untauk mambinasokan kami? Aden tawu siapo Angkau: Angkaulah Utusan Nan Suci dari Jehovah!"** 25 **"Oih, anoklah angkau!" kecek Isa Almasih sambia ma ariak roh jahek tu, "kaluwalah angkau dari urang ko!"** 26 **Mako roh jahek tu ma oyak-oyakkan badan urang tu sakuwaik-kuwaiknyo, kudian barulah inyo kaluwa dari urang tu sambia mamakiak.**

**Markus 1:32-34** **Patang arinyo, sasudah matoari tabanam, urang bi mambawok-i kasadonyo urang nan sakik, sarato jo urang nan kamasuak-an roh jahek, kabake Isa Almasih.** 33 **Kasadonyo panduduak kota tu bi ba uruang di adok-an rumah tu.** 34 **Sambuah urang nan dicegakkan dek Isa Almasih, urang nan bi ma idokkan babagai-bagai panyakik, sambuah pulo roh-roh jahek nan Baliau usie.** Baliau indak mambuliahkan roh-roh jahek tu mangecek, dek karano roh jahek tu tawu, siya Baliau nan sabananyo.

**Markus 1:39** **Mako payilah Isa Almasih kian kumari, disadonyo daerah di Galilea, Baliau bakatubah di rumah-rumah ibadaik urang Yahudi, sarato jo ma usie roh-roh jahek.**

**Markus 5:8** **Mangkonyo inyo mangecek bakcando itu, dek karano Isa Almasih lah bakato kabake inyo, "Oih roh jahek, kaluwalah angkau dari urang ko!"**

**Markus 6:7,13 Baliau ma imbau kaduwo baleh urang pangikuik-Nyo, mako Baliau utuihlah pangikuik-Nyo tu payi bajalan baduwo-baduwo, sarato mambarikan kuwaso kabake pangikuik-Nyo tu, untuak ma usie roh-roh jahek. 13 Pangikuik-pangikuik Baliau tu, sambuah ma usie roh-roh jahek, mambaruikkan minyak zaitun ka urang nan sakik, sarato jo mancegakkannya.**

**Markus 9:23-25 Baa tu kecek angku? Kok santano Angku lai dapek? Sagalo sasuatunyo bisa, asakan urang tu lai picayo!" kecek Isa Almasih. 24 Lansuang apak paja tu basorak, "Tuhan, ambo layi picayo, tapi iman ambo lamah. Tolonglah ambo, supayo ambo batambah picayo!" 25 Kutiko Isa Almasih maliyek urang nan banyak tu, muloi bi ba uruang, Baliau mamarentahkan roh jahek tu kaluwa, Baliau katokan, "Oih roh pakak jo roh bisu, Den parentahkan angkau kaluwa dari paja ko, jan angkau cubo-cubo untuak babaliak!"**

**Markus 9:29 Baliau manjawab, "Roh jahek nan saroman itu, indak bisa doh di usie jo caro apo sajo, salain daripado jo badowa."**

**Markus 9:38,39 Sudah tu si Yahya mangecek kabake Isa Almasih, "Ngku Guru, kami ado manampak urang, inyo ma usie setan ateh namo Angku. Dek karano inyo indak tamausuak kuleka kito, mako kami tagahlah inyo." 39 Baliau bakato, "Jan ditagah pulo inyo lai, dek karano, indak surang juwo doh urang, nan ka bisa mampabuwek mukjizat ateh namo Ambo, jikok dalam padu itu, inyo sato pulo mamburuak-buruakkan Ambo.**

**Markus 16:17 Sabagai tando di urang-urang nan picayo tu, inyo ka bi ma usie roh jahek ateh namo Ambo; inyo ka bakato-kato jo bahaso-bahaso nan indak inyo katawui.**

**Lukas 4:18 "Roh Tuhan ado didiri Ambo, dek karano Baliau lah ma angkek Ambo untuak ka mangabakan Kaba Baiak kabake urang nan bansaik. Baliau manyuruah Ambo untuak malewakan pambebasan kabake urang nan tatawan sarato mancegakkan urang nan buto; untuak malapehkan urang nan tasapik, (Isaiah 61:1)**

**Lukas 4:34-36 "Oih Isa Almasih, urang Nazaret, apo nan ka Angkau pabuwek kabake kami? Angkau kamari ko untuak ka mambinasokan kami? Aden tawu siapo Angkau: Angkau adalah Pisuruah Nan Suci dari Jehovah!" 35 "Jaan mangecek juwo...!" Isa Almasih ma ariak roh jahek tu. "Kaluwalah angkau dari urang ko!" Sudah tu, roh jahek tu ma ampehkan urang tu di adok-an urang nan banyak tu, mako kaluwalah inyo dari urang tu, jo caro nan indak manyakikkan urang tu. 36 Kasadonyo urang bi tacangang, inyo bi mangecek sasamo inyo, "Indak tangguang-tangguang kato-kato Baliau. Jo kuwaik kuwaso Baliau mamarentahkan roh-roh jahek kaluwa, mako bi kaluwalah roh jahek tu!"**

**Lukas 4:41 Sambuah pulo roh-roh jahek nan dikaluwakan dari urang-urang tu, roh jahek tu mamakiak-makiak, "Angkaulah Anak Jehovah!" Isa Almasih**

**ma ariak roh-roh jahek tu, Baliau indak mambuliahkan inyo mangecek, dek karano inyo tawu baraso Isa Almasih adolah Rajo Panyalamaik.**

**Lukas 7:21 Dikutiko itu, sambuah urang nan dicegakkan dek Isa Almasih, sambuah Baliau ma usie roh jahek, sarato sambuah pulo mato urang nan buto dicegakkan.**

**Lukas 8:29-29 Dikutiko Isa Almasih turun ka darek, Baliau didatangi dek surang laki-laki nan kamasuak-an roh jahek. Lah acok kali urang tu dikuwasoi dek roh jahek tu, saingga, biyapun tangan sarato jo kakinyo lah dikabek jo rantai, inyo dijago arek, tapi inyo dapek juwo mamutuihi rantai tu. Inyo tu urang dari kota. Lah lamo inyo indak bakain, sarato indak namuah diam di rumah. Inyo hanyo suko tingga di guwo-guwo tampaik kubuaran di padang pasie, dek karano dibawok dek roh jahek tu. Kutiko Isa Almasih manampak urang tu, Baliau mamarentahkan roh jahek tu kaluwa dari urang tu. Sudah tu urang tu ma ariak sambia sujuik di adok-an Baliau, urang tu bakato jo suwaro nan kuwaik, "Isa Almasih, Anak Jehovah Nan Maha Tinggi! Ka Angkau pangakan ambo ko? Ambo sabana mambana, jan di ajab ambo!"**

**Lukas 9:40 Lah mintak tolong ambo ka pangikuik-pangikuik Angku untuak ma usie roh jahek tu, tapi indak talok doh di pangikuik Angku tu."**

**Lukas 10:17-20 Katujuah puluah urang pangikuik Isa Almasih, lah babaliak jo bagadang ati. Inyo bi mangatokan, "Tuhan, roh-roh jahek pun tunduak kabake kami, jikok kami mamarentahkan inyo ateh namo Tuhan!" 18 Baliau manjawab, "Ambo manampak ubilih jatuah dari langik saroman jo kilek. 19 Katawuilah! Angku-angku lah Ambo agiah kuwaso supayo angku-angku dapek mamijakkan ula jo kalo, sarato jo mamatahkan sagalo kakuatan musuah, indak ado ciyek juwo doh nan ka dapek mancilakokan angku-angku. 20 Biyapun baitu, janlah bagadang ati dek karano roh-roh jahek tu patuah kabake angku-angku. Labiah elok lai angku-angku bagadang ati, dek karano namo angku-angku tacataik di sarugo."**

**Lukas 11:14 Pado suatu ari, Isa Almasih ma usie roh jahek dari diri surang urang bisu. Sasudah roh jahek tu kaluwa, urang tu muloi bisa mangecek. Sambuah urang nan bi tacangang,**

**Lukas 11:20-22 Tapi, Ambo ma usie roh jahek jo kuwaso Jehovah, itu ba arati baraso Karajaan Jehovah, lah tibo ka tangah-tangah angku-angku. 21 Jikok surang urang nan kuwaik, sarato basinjato langkok, manjago rumahnya sandiri, tantu kasadonyo aratonyo ka salamaik. 22 Tapi, jikok surang urang nan labiah kuwaik tibo manyarang, sarato jo mangalahkannya, mako urang nan labiah kuwaik tu, ka ma ambiak kasadonyo sinjato nan dipakai dek nan punyo rumah tu, sudah tu inyo mambagi-bagi kasadonyo arato nan dirampoknyo tu.**

**Lukas 13:32 Baliau manjawab, "Payilah katokan kabake urang nan iduiknyo indak bapaidah tu, 'Ari ko jo ari bisuak, Ambo ka ma usie roh jahek sarato**

**jo ka mancegakkan urang nan sakik, tapi di ari nan katigo, Ambo ka manyalasaikan sagalo karajo Ambo.'**

**Yahya 14:12 Nan sabananyolah nan Ambo katokan ko: Urang nan layi picayo kabake Ambo, mako inyo ka bisa pulo mangarajokan, apo nan lah Ambo karajokan, -- malahan inyo ka bisa mangarajokan nan labiah gadang iai -- dek karano Ambo payi kapado Bapak.**

**Yahya 17:15 Ambo indak mamintak supayo Bapak ma ambiak inyo dari dunia ko doh, tapi, nan Ambo mintak adolah, supayo Bapak manjago urang-urang tu, jan sampai digaduan dek si Jahek.**

**Rasul 10:38 Angku-angku tawu, baraso Jehovah lah mamiliah Isa Almasih urang Nazaret tu, Baliau lah dibari Roh Jehovah, sarato lah di agiah kuwaso. Angku-angku tawu pulo, baraso Baliau tu payi kian kumari untuak babuwek baiak; Baliau mancegakkan kasadonyo urang nan dikuwasoi Ubilih, dek karano Jehovah tatap manyaratoi Baliau.**

**Rasul 16:17,18 Urang padusi tu bajalan di balakang, manuruikkan kami jo si Paulus sambia ma ariak-ariak, inyo mangatokan, "Urang-urang ko adolah pisuruah Jehovah Nan Mahatinggi! Inyo ko datang untuak mabaritawu kabake Sudaro-sudaro, baa caranyo supayo Sudaro-sudaro dapek disalamaikkan!" 18 Ado babarapo ari lamonyo, padusi tu ma ariak-ariak taruih manaruih bakcando itu. Dek karano itu, si Paulus lah abih sabanyo, inyo bae ma engong ka balakang, inyo ariak roh setan tu, "Ateh namo Isa Almasih, den parentahkan angkau, kaluwalah dari urang padusi ko!" Sakutiko tu juwo, roh setan tu kaluwa dari urang padusi tu.**

**Rasul 19:11,12 Jehovah mampabuwek mukjizat-mukjizat nan luwa biaso malalui si Paulus. 12 Jikok salabeta, atau kain ikek pinggang nan lah panah dipakai dek si Paulus, dirawokkan ka badan urang-urang nan sakik, mako cegaklah panyakik urang tu, sarato kaluwalah roh setan dari diri urang-urang tu.**

**Rasul 26:15-18 Mako batanyolah ambo, 'Siya koh Angkau, oih suwaro nan mangecek tu?' Mako manjawablah Tuhan, 'Ambolah nan Isa Almasih, nan angkau aniayo. 16 Jagolah lai, tagaklah! Mangkonyo Ambo mampanampakkan diri kabake angkau, mukasuiknyo adolah untuak ka ma angkek angkau jadi pisuruah Ambo. Angkau musti payi mambaritokan kabake urang lain, apo nan lah angkau liyek kiniko tantang diri Ambo, baitu pulo tantang apo nan ka Ambo agiah tawu isuak, dimaso nan ka tibo. 17 Ambo ka ma asiangkan angkau dari banso Israel, sarato dari banso-banso lain nan indak urang Yahudi. Ambo ka manyuruah angkau payi kabake urang-urang tu 18 untuak ka mambukakkan mato rohaninyo, supayo inyo buliah kaluwa dari nan kalam, sudah tu masuak ka nan tarang; supayo urang-urang tu buliah lapeh dari pangaruah Ubilih, sudah tu buliah Jehovah nan ka manguwasonyo. Jo sacaro inyo ba iman kabake Ambo, mako doso-dosonyo ka di ampuni, inyo ka manjadi anggota umaik**

**Jehovah nan tapiliah.' "**

**Roma 16:20 Jehovah nan mambarikan aman santoso kabake manusia, Baliau sacapeknyo ka malatakkan ubilih di bawah kuwaso angku-angku, mako angku-angku ka mambinasokannyo. Mudah-mudahan sudaro-sudaro, tatap ditarakaik-i dek Isa Almasih Tuhan kito!**

**2 Korintus 2:11 Ambo pabuwek nan bakcando itu, supayo ubilih jan mandapek kasampatan tuuak manguwasoi kito; dek karano kito lah tawu jo sagalo mukasuiknyo.**

**Galatia 1:4 Dek karano mamatuahi kahandak Jehovah Bapak kito, Isa Almasih manyarahkan diri-Nyo manjadi karoban, dek karano doso-doso kito, supayo kito buliah disalamaikkan dari jaman nan jahek ko.**

**Efesus 4:27 supayo Ubilih jan dapek kasampatan.**

**Efesus 6:11 Pagunokanlah kasadonyo pakakeh parang, nan diberikan dek Jehovah kabake angku-angku, supayo angku-angku dapek batahan malawan aka ciluah dari Ubilih.**

**2 Tesalonika 3:2,3 Badowa pulolah, supayo Jehovah malinduangi kami, dari urang-urang cingkahak nan jahek. Dek karano, indak kasadonyo doh urang picayo kabake barito nan dari Tuhan tu. 3 Tapi Tuhan satiya. Baliau ka manguwaikkan, sarato ka malinduangi angku-angku dari Si Jahek.**

**2 Timotius 2:26 Jo caro nan baitu, urang-urang tu ka sadar baliak, mako inyo ka lapeh dari parangkok Ubilih nan lah manangkoknyo, nan mamaso inyo ma ikuik-i kandak Ubilih.**

**2 Timotius 4:18 Batua, Tuhan ka malapehkan ambo, dari satiyok usawo nan jahek taradok ambo. Baliau ka mambawok ambo jo sanang salamaik masuak Karajaan-Nyo di sarugo. Andaklah Baliau dimuliekan salamo-lamonyo! Amin.**

**1 Petrus 5:8 Andaklah angku-angku bajago-jago, sarato siyap sadiyo! Dek karano, ubilih adolah musuah angku-angku. Inyo bakcando singo nan bajalan kian kumari, sambia mangawun mancari nan ka dimakannya.**

**1 Yahya 4:4 Tapi, oih anak-anak ambo, kalian adolah miliak Jehovah. Kalian lah mangalahkan nabi-nabi palasu, dek karano Roh nan ado di kalian, labiah bakuwaso daripado roh nan ado di urang-urang nan miliak dunia ko.**

**Angka 10:35 Let Jehovah arise and enemies scatter.**

**Deuteronomy 23:5 Jehovah turn curse into blessing (Nehemia 13:2)**

**Zabur 44:4 Jehovah command deliverance for Yakob.**